

Erninnermut atatillugu Allaffimmi pisortatut sulinngiffeqartumut paarlattaasussa: Kalaallit Nunaanni erngup nukinganit isumalluutit annersaasa atorluarnissaasa piviusunngortinnissaannut peqataarusuppit?

Allaffissorinnermut ataqatigiissaarinnermullu nukittuunik piginnaasaqarpit, politikkimut paasisimasaqarlutit kiisalu nunatsinni ineriartortitsinnermut suliniutit annersaannik suliaqarusuppit?

Ulloq atorfiniffissaq: 1. november 2026 imaluunniit tamatuma kingorna piaartumik.

Avatangiisinut, Pinngortitamut, Nukissiuutinut Ilisimatusarnermullu Naalakkersuisoqarfik, Tasersiami aamma Tarsartuup Tasersuani Kalaallit Nunaanni erngup nukinganik periarfissaqarfiit annersaasa, 1 GW sinnerlugit katillugit nukissiornissamut periarfissaqarfiusut, neqeroortitsiviginissaannut suliatigut akisussaasuussamut, allaffimmi pisortatut atorfinimmi erninnermut atatillugu sulinnngiffeqartumut paarlattaasussamik sulisussarsiorpoq.

Atorfik pillugu

Erngup nukinganit isumalluutitta niuernikkut atorluarneqarnissaasa iluanni Kalaallit Nunaanni periarfissaqarfiit piviusunngortinneqarnissaat Nukissiuutinut Immikkoortortaqarfiup ukiut arlallit ingerlaneranni sulissutigaat. Suliaqarnermut tassunga ilaatillugu politikkikkut aalajangiisoqarpoq Tasersiami aamma Tarsartuup Tasersuani erngup nukinganik periarfissaqarfiit annertuut marluk neqeroortitsivigineqassasut nittarsaanneqassasullu.

Erngup nukinganik periarfissaqarfiit nunami namminerminni nunanilu tamalaani aningaasaliisartunut neqeroortutigneqartussaapput, arlalinnik aningaasarsiorfeqalernissaq siunertarineqarluni. Suliniummi inuiaqatigiinnut annertuumik pingaaruteqartumi siumut ingerlanissap qulakkeernissaanut ingerlatitsisutut pingaaruteqalissaatit.

Nukissiuutinut Immikkoortortaqarfinimmi sulisut tallimaavugut. Allaffimmi pisortatut atorfik sulisunut akisussaaffeqanngilaq, kisianni illit suliniummi neqeroortitsineq siumullu ingerlatitsineq pingaarnertut suliatigut akisussaaffigilissavat.

Suliarilissavatit:

- neqeroortitsinerup ingerlanerani siumut ingerlanissaanik qulakkeerineq (ilanngullugit piukkunnartussarsiuussinerup, aningaasaliisartunik misissuinerup, innuttaasunik ataatsimiititsinerup pilersaarusiornerup il.il. ingerlannissaat)
- suliap ingerlaneranut atatillugu ingerlaavartumik politikerinik sullissineq kiisalu Kalaallit Nunaanni suliniutit annersarilersinnaasaat pillugu tamanut attaveqateqarnermut suleqataaneq.
- oqartussat, suliaasaqarfiit ingerlatsisullu attuumassutillit akimorlugit ataqatigiissaarineq.
- aalajangiinnissamut tunngavissianik allanillu najoqqutassanik politikkikkut suliarineqartussanik suliaqarneq.

- aningaasaliisartunngorsinnaasunik, siunnersuisunngorsinnaasunik soqutiginnittunillu allanik oqaloqateqarneq.
- teknikikkut, aningaasaqarnikkut, inatsisilerinikkut allaffissornikkullu najoqqutassanik pisariusunik pitsaassutsinik qulakkeerineq.
- missingersuutitut akisussaasuuneq aningaasaqarnermilu malinnaaneq.

Piukkunnassutsit

Ingerlaqqiffiusumik ilinniagaqarsimavutit aammalu ukiuni arlalinni pisortat imaluunniit namminersortut suliffeqarfiini atorfeqarnermit allaffissornikkut misilittagaqarlutit. Politikerit qanillugit atorfilittatut sulinermik misilittagaqaruit imaluunniit ilisimasaqaruit iluaqutaassaaq.

Atorfik assigiinngisitaartorpassuarnik suliassaqaqarfiuvoq aammalu periusissatigut isumaliutersuuteqarnerit aammalu sukumiisortat neqeroortitsinerup annertuup isumannaatsumik naammassitinnissaanut inissinneqartussat akornanni sulisinnaassaatit.

Taamaattumik inatsisilerinikkut ajornartorsiutini itisiliineq, inuiaqatigiit aningaasaqarneranni aqqissuussinerit naatsorsuinerillu kiisalu politikerinik sullissineq aamma innuttaasunik, siunnersortinik aningaasaliisartunngorsinnaasunillu attaveqateqarneq nuannarissagitit pingaaruteqarpoq.

Naatsorsuutigaarput illit:

- politikikkut aalajangiinerit ingerlasarnerinik misilittagaqartutit paasisimasaqartutillu.
- suliassani pisariusuni aqqissuussinermik siumullu ingerlatitsinermik misilittagaqartutit.
- nukissiornermut suliniutit iluanni neqeroortitsinerit ingerlasarnerinut ilisimasaqartutit.
- politikkimut paasinnillaqqissutit aammalu ingerlatsisunik avataaneersunik assigiinngitsorpassuarnik, akerleriinnik soqutigisaqarsinnaasunik tatiginartumik oqaasissanillu akunnaallisaarillaqqillutit suleqatigiinnerni suleqataasinnaasutit.
- paasissutissiillaqqittutit aammalu tuluttut pikkorillutit attaveqateqarsinnaasutit.
- nukissiuutitut suliassaqaqfik, aningaasaliinerit annertunerusut aammalu nunani tamalaani aningaasaliisartunik suleqateqarneq soqutigigitit suliassatigullu paasisimasaqarfigigitit.
- kisitsisinut paasisimasaqartutit.
- piffissamut killigitit malillugit naammassinninnissamut qulakkeerillaqqittutit aammalu ulluinnarni ulapaarfiusuni eqqissisimaannarnissaq pikkoriffigitit.
- namminersorlutit sulisartutit aammalu suliassat isumannaatsumik naammassitinnissaannut akisussaaffimmik tiguisartutit.

Neqeroorutigaagut

Kalaallit Nunanni erngup nukinganit isumalluutitta niuernikkut atorluarnissaasa iluanni Kalaallit Nunaanni periarfissaqarfiit piviusunngortinnissaannut qitiusumi inissisimalernissamut periarfissaqalissaatit.

Neqeroorutigaagut:

- akisussaaffik annertoq taamaaqataanillu nuannersumik allaassuteqalersitsinissamut periarfissaq.
- erninermut atatillugu sulinngiffeqartumut paarlattaaffiusoq suliassatigut unammillernartog annertuumik nammineerfiususaaq.
- suliffik orniginartog ataqqinninneq tatiginninnerlu malunnarlutik persuarsiorfiunngitsoq.

•suliassaqarfik tamatigoortoq pissanganartorlu nunamut namminermut nunarsuarmullu ukkatarinniffiusoq.

Aningaasarsianut atorfininnermilu atugassarititaasut

Atorfik erninnermut atatillugu sulinngiffeqartumut paarlattaaffiusussaavoq 1. november imaluunniit tamatuma kingorna piaartumik sulilernissaq naatsorsuutigineqarluni aammalu qaammatini 12-ini sivilissuseqarluni.

Atorfik akissaateqarfimmi LR 36-mi maanna inissisimavoq. 1. april 2026 LR 36-mi tunngaviummik akissarsiaq tapiillu aalajangersimasut soraarnerusutissianullu illuatittagaq ilanngullu antterussuseqarput qaamammut Kr. 57.531 ukiumullu Kr. 690.372.

Aningaasarsianut atorfininnermullu tunngasut, ilanngullugit atorfininnermi soraarnermilu akiliunneqarluni angalasinnaatitaaneq pequtillu nuutinnerinut akiliunneqarnissamut pisinnaatitaaneq, atorfininnerup nalaani Namminersorlutik Oqartussat kattuffiullu isumaqatiginninniarsinnaatitaasup pineqartup akornanni isumaqatigiissutit naapertorlugit pissapput.

Ineqarneq

Atorfimmut atasumik inissiamut innersuussisoqarsinnaanngilaq.

Annertunerusunik paasisaqarusuppit?

Atorfik pillugu paasisutissat annertunerusut immikkoortortaqarfimmut pisortamut Ane Wraae Nielsen-imut saaffiginnilluni pineqarsinnaapput, oqarasuaat +299 58 67 89, e-mail: awni@nanoq.gl.

Oqaloqatigiinnerit

Sulilersussanik oqaloqatiginninnerit ingerlaavartumik ingerlanneqarnissaat naatsorsuutigaarput. Taamaattumik soqutiginnittut qinnuteqarnissamut piaarnerpaamik kajumissaarneqarput.

Qinnuteqarnissamut killigititaq

Qinnuteqaat CV aamma soraasummeersimanermut uppersaasatit assilineri ilanngullugit link matuma kingulianiittoq aqqutigalugu nassiunneqassapput kingusinnerpaamik ulloq 25-09-2026. Qinnuteqaatit e-mail-ikkut tigusanngilagut. Sapinngisamik piaarnerpaamik Atorfininnissaq.